

NGÁ-KO (22)

1 Sók·lô·bùn si·koa·tiong ê Ngá·ko.

²Goān i ēng i ê chhui lăi chim goá, In·uī lí ê ài·chēng pí chiú khah·hó.

³Lí ê ko·iū phang koh hó; Lí ê miā chhin·chhiūⁿ tò--chhut·lăi ê ko·iū; Sók·í chēng cha·bók·gín·ná lóng thiàⁿ lí.

⁴Goān lí khan goá, goán chiū cháu lăi tē lí; Ông choā goá jlp i ê pāng·lăi; Goán beh in·uī lí lăi hoaⁿ·hí khoài·lók, Goán beh kì·liām lí ê ài·chēng, iāⁿ·kè hó chiú; In thiàⁿ lí sī eng·kai ê.

⁵Iā·lō·sat·léng ê chēng cha·bók·gín·ná ah, Goá sī o·, iáu·kú siⁿ·choè hó, Chhin·chhiūⁿ Kì·tát ê pò·pīⁿ, Chhin·chhiūⁿ Sók·lô·bùn ê tiūⁿ·lī.

⁶M̄·thang khoàⁿ goá lī·á o·sak, Sī in·uī jlt phak goá, Goá ê lău·bú chiaⁿ ê kiáⁿ bat siū·khì goá, In hō· goá kò·siú phû·tô·hng; Chóng·sī goá ka·kī ê phû·tô·hng, goá bô kò·siú.

⁷Goá sim só·thiàⁿ--ê ah, kiū lí kâ goá kóng, Lí tī sīm·mih só·chāi chhiⁿ iūⁿ, jlt·tiong·tàu hō· in hioh tī sīm·mih só·chāi; Tī lí tâng·phoāⁿ ê iūⁿ·kūn ê piⁿ·á, Goá siáⁿ·sū chhin·chhiūⁿ tà·bīn ê lāng ah?

⁸Lú·kài·tiong tē·it súi--ê ah, lí nā m̄·chai, Choè lí chhut·khì, tē iūⁿ·kūn ê kha·jiah khì; Chhiⁿ lí ê soaⁿ·iūⁿ·á, tī bók·chia ê pò·pīⁿ·piⁿ.

⁹Goá só· thiàⁿ--ê, goá pí·phēng lí, Chhin·chhiūⁿ Hoat·ló ê chhia ê bé.

¹⁰Lí pìn·piⁿ ê mng pīⁿ chin·súi, Lí ê ām·kún koà chin·chu ê liān·á, chin hó·khoàⁿ.

¹¹Goán beh kâ lí choè kim·liān·á, Siuⁿ gūn liú·á.

¹²Ông chē i ê toh ê sĩ, Goá ná·tát ê hiuⁿ·iū chhēng·chhut i ê phang·bī.

¹³Goá só· loān·ài·ê sĩ choè goá chit·pau ê bít·iòh, Toà tī goá ê heng·chēng.

¹⁴Goá só· loān·ài·ê, sĩ choè goá chit·pha ê chng·kah·hoe, Tī Ún·kī·tí ê phû·tô·hng·lăi.

¹⁵Goá só· thiàⁿ·ê, khoàⁿ ah, lí chin súi; khoàⁿ ah, lí chin súi; Lí ê bák·chiu chhin·chhiūⁿ kap.

¹⁶Goá só· loān·ài·ê ah, khoàⁿ ah, lí chin súi, sít·chāi thang hoaⁿ·hí; Lán ê bīn·chhng lóng sĩ chhiⁿ·lèk ê sek.

¹⁷Lán ê chhiⁿ ê iⁿ·á sĩ pek·hiuⁿ·chhâ, I ê kák·á sĩ siōng·peh·chhâ.

2 Goá sĩ Sa·lún ê mui·khui·hoe, Sī soaⁿ·kok tiong ê pek·háp·hoe.

²Goá só· thiàⁿ·ê tī chiaⁿ ê cha·bók·kiáⁿ ê tiong·kan, Chhin·chhiūⁿ chhi·á·lăi ê pek·háp·hoe.

³Goá só· loān·ái·ê, tī chiaⁿ ê ta·pō·kiáⁿ ê tiong·kan, Chhin·chhiūⁿ chhiū·nâ·tiong ê pīn·kó chhiū; Goá chin hoaⁿ·hí chē tī i ê im·úg; I ê ké·chí goá chiáh·liáu chin tīⁿ.

⁴I choā goá jlp iān·siáh ê só·chāi, Ēng thiàⁿ choè kí tī goá ê tég·bīn.

⁵Kiū lín ēng phû·tô·piáⁿ lăi pók goá ê lát,

ēng pîn-kó lâi íóng goá cheng-sîn; In-ūi goá tùi ài-chêng lâi tì-pīⁿ.

⁶I ê tò-chhiú phō goá ê thâu-khak, I ê chiàⁿ-chhiú phō goá.

⁷Iâ-lō·sat-léng ê chêng cha-bó·gín-ná ah, Goá kí lêng-iông í-klp tiân-ia̍ ê lók-bú, chhiat-chhiat hoan-hù lí, Bóh-tit phah-chhiⁿ i, bóh-tit kiáu-jiaú goá só·thiàⁿ-ê, Thèng-hāu i ka-kī chêng-goān.

⁸Ā, goá só· loān-ài-ê ê siaⁿ khoàⁿ ah, i lâi lah; Tiô tī soaⁿ--nih, thiàu tī niá--nih.

⁹Goá só· loān-ài-ê, chhin-chhiūⁿ lêng-iông á-sī lók-á; Khoàⁿ ah, i khiā tī goán ê chhiūⁿ-piah-āu; Tùi thang-á teh khoàⁿ; Tùi thang-á-chí teh thām.

¹⁰Goá só· loān-ài-ê chhut-siaⁿ tùi goá kóng, Goá só·thiàⁿ-ê, goá ê bí-jîn, khí-lâi kap goá saⁿ-kap khi.

¹¹Khoàⁿ ah, in-ūi tang-thiⁿ í-keng kè, Hō· í-keng chíⁿ, soah lah.

¹²Piàn-toē ê hoe í-keng khui, Chiáu-á háu ê sī kau lah; Tī lán ê keng-lāi thiaⁿ-kìⁿ ka-chui ê siaⁿ.

¹³Bû-hoa-kó chhiū ê ké-chí chiām-chiām sêng-sék, Phû-tô-chhiū khui-hoe thò·chhut i ê phang; Goá só·thiàⁿ-ê, goá ê bí-jîn, khí-lâi kap goá saⁿ-kap khi.

¹⁴Goá ê kap ah, lí tī chiòh-phāng-lāi, tī soaⁿ-gâm ún-bát ê só·chāi; Kiū lí chún goá khoàⁿ-kìⁿ lí ê bīn, thiaⁿ-kìⁿ lí ê siaⁿ; In-ūi lí ê siaⁿ un-hô, lí ê bīn siⁿ-choè súi.

¹⁵Tiòh kā goán liáh hô·lí, soè chiah hô·lí, chiū-sī pāi-hoāi phû-tô-hūng ê; In-ūi goán ê phû-tô tú-á beh khui-hoe.

¹⁶Goá só· loān-ài-ê siók goá, goá iā siók i, I tī pek-háp-hoe tiong chhiⁿ i ê iūⁿ-kūn.

¹⁷Goá só· loān-ài-ê ah, goān lí jīt liāng-léng, iáⁿ chhun-tūg ê sī, tò-túg lâi. Chhin-chhiūⁿ

lêng-iông á-sī lók-á, Tī Pek-ték ê soaⁿ--nih.

3 Goá mī--sī the tī goá ê bīn-chhūng, chhē goá ê sim só·thiàⁿ--ê, Goá chhē i, iā chhē-boē-tiòh.

²Taⁿ goá beh khí-lâi sì-koè kiāⁿ tī siāⁿ-lāi, Tī koe-lō·, tī khoan-khoah ê só·chāi, Goá beh chhē goá ê sim só·thiàⁿ-ê; Goá chhē i iā chhē-boē-tiòh.

³Siāⁿ-lāi sūn-cha ê lāng tú-tiòh goá, Goá m̄ng in kóng, Lín ū khoàⁿ-kìⁿ goá sim só·thiàⁿ-ê á-bô?

⁴Goá lī-khui in bô joā-hng, Chiū tú-tiòh goá ê sim só·thiàⁿ-ê, Goá khíⁿ i, m̄ hō· i khi; Thèng-hāu goá choā i jip goá lâu-bú ê ke, Chiū-sī siⁿ-goá-ê ê pāng-lāi.

⁵Iâ-lō·sat-léng ê chêng cha-bó·gín-ná ah, Goá kí lêng-iông í-klp tiân-ia̍ ê lók-bú, chhiat-chhiat hoan-hù lí, Bóh-tit phah-chhiⁿ i, bóh-tit kiáu-jiaú goá só·thiàⁿ-ê; Thèng-hāu i ka-kī chêng-goān.

⁶Hit ê tui khòng-ia̍--nih lâi, hêng-chōng chhin-chhiūⁿ hé-hun ê thiāu, Ēng bûn-iòh kap jú-hiūⁿ, í-klp seng-lí lāng ták-iūⁿ ê phang-hún lâi hō· i phang-ê, Sī chí-chui ah?

⁷Khoàⁿ ah, sī Só·lô-būn ê kiō, Sì-ūi ū lāk-cháp ê íóng-sū, Lóng sī tui Í-sek-liát íóng-sū-tiong keng--ê.

⁸In lóng oē hiáu ēng kiām, gâu kau-chiàn, Lāng-lāng pē to tī io--nih, Tī-hōng mī--sī ê gūi-hiám.

⁹Só·lô-būn ông ēng Lī-pa-lùn ê chhā, Ūi ka-kī choè chit téng kim-lián.

¹⁰I ê thiāu sī ēng gūn choè--ê, I ê toé sī ēng kim choè ê, I ê tiām sī chí-sek-ê, Kī-tiong sī ēng Iâ-lō·sat-léng ê chêng cha-bó·gín-ná ê ài-chêng phor--ê.

¹¹Sek-an ê chêng cha-bó·gín-ná ah, lín tiòh chhut-khi khoàⁿ Só·lô-būn ông, I tī bián-liū,

chiū-sī tī i háp-hun ê jít, i ê sim hoaⁿ-hí ê jít, I ê lâu-bú kā i tì--ê.

⁴Goá só·-thiàⁿ-ê, khoàⁿ ah, lí chin-súi, khoàⁿ ah, lí chin súi, Tī phè ê lāi-bīn lí ê bák-chiu chhin-chhiūⁿ kap; Lí ê thâu-m̄ng chhin-chhiūⁿ soaⁿ-iūⁿ kui-tīn; Tó tī Ki-liát ê soaⁿ-pīⁿ.

²Lí ê chhui-khí chhin-chhiūⁿ tú-á chián-m̄ng ê chit-kūn iūⁿ, soé chheng-khì chiūⁿ--lāi, Ták-chiah ū siang-siⁿ kiáⁿ, bô chit-chiah sit-lōh i ê kiáⁿ.

³Lí ê chhui-tūn chhin-chhiūⁿ chu-âng soàⁿ, Lí ê chhui iā siⁿ-choè hó, Lí ê pīn-pīⁿ tī phè-lāi, Chhin-chhiūⁿ chit-tè siáh-liū.

⁴Lí ê âm-kún chhin-chhiūⁿ Tāi-pit ê tái, khí choè kun-chong-kék; Piah-téng tiâu chit-chheng ê pīn-pāi, Lóng sī íong-sū ê tín-pāi.

⁵Lí ê n̄ng ê lin, chhin-chhiūⁿ chit-tui lók-á, Chiáh-chháu tī pek-háp-hoe-tiong, Chiū-sī lók-bú siang-siⁿ--ê.

⁶Kàu jít liang-léng, iáⁿ chhun-t̄ng ê sī, Goá beh khi bít-iōh soaⁿ, kap jú-hiuⁿ ê soaⁿ-thâu.

⁷Goá só·-thiàⁿ-ê, lí oân-choân súi, Lí bô chit-tiám-á hâ-chhū.

⁸Goá ê sin-niū, lí tiōh tui Lī-pa-lùn kap goá lâi, tui Lī-pa-lùn kap goá lâi, Tui A-má-ná ê téng-bīn, tui Sī-ni-jīⁿ kap Hek-būn ê téng-bīn; Tui sai ê hiát, tui pà ê soaⁿ khoàⁿ--lōh-khì.

⁹Goá ê sió-bē ah, goá ê sin-niū ah, Lí toát goá ê sim, lí ēng bák-chiu chit-ē khoàⁿ, Ēng lí ê âm-kún ê chit-tiâu kim-liān-á, toát goá ê sim.

¹⁰Goá ê sió-bē, goá ê sin-niū, lí ê ài-chēng cháiⁿ-iūⁿ hiah bí-biāu. Lí ê ài-chēng cháiⁿ-iūⁿ pí chiú khah-hó; Lí ê ko-iū ê phang-bī cháiⁿ-iūⁿ pí it-chhè ê huiⁿ-liāu khah-iāⁿ.

¹¹Goá ê sin-niū ah, lí ê chhui-tūn chhin-chhiūⁿ bít-pô· teh tih, Lí ê chih-ē ū bít ū ni;

Lí ê i-hók ê phang-bī chhin-chhiūⁿ Lī-pa-lùn ê phang-bī.

¹²Goá ê sió-bē, goá ê sin-niū, chiū-sī koaiⁿ-só ê h̄ng; Khàm-bát ê chíⁿ, hong-bát ê chúi-choāⁿ.

¹³Lí só· chhut sī siáh-liū ê h̄ng, ū siōng-hó ê ké-chí, Chng-kah-hoe kap ná-tát ê chhiū.

¹⁴Ū ná-tát kap hoan-âng-hoe, Chhiong-pô· kap jiók-kùi, í-kip chiaⁿ ê jú-hiuⁿ, Bút-iōh, tīm-hiuⁿ, kap it-chhè siōng-téng ê huiⁿ-liāu.

¹⁵Lí sī h̄ng-tiong ê chúi-choāⁿ, oáh-chúi ê chíⁿ, Tui Lī-pa-lùn lâu--lōh-lāi ê khoe-chúi.

¹⁶Pak-hong ah, tiōh khí-lāi, lâm-hong ah, tiōh lâi, Chhe-lāi goá ê h̄ng, hō· i ê phang-bī hoat-chhut; Goān goá só· loān-ài-ê jip i ê h̄ng-lāi, Chiáh i hó ê ké-chí.

⁵Goá ê sió-bē, goá ê sin-niū ah, goá jip goá ê h̄ng-lāi, Bán goá ê bít-iōh kap goá ê huiⁿ-liāu, Chiáh goá ê bít-pô· kap goá ê bít; Lim goá ê chiú kap goá ê ni; Goá chiaⁿ ê pēng-iú, tiōh lâi chiaⁿ; Goá só· loān-ài-ê, lâi lim, koh lim choē-choē.

²Goá khùn, goá ê sim iáu cheng-sīn; Che sī goá loān-ài-ê ê siaⁿ, i phah-m̄ng, kóng, Goá ê sió-bē, goá só· thiàⁿ-ê, goá ê kap, Goá ê sūn-choān-ê, kiū lí kā goá khui-m̄ng; In-ūi goá ê thâu-khak lō·chúi moá-moá; Goá ê thâu-m̄ng hō· mī--sī ê lō·chúi tih-tām.

³Goá í-keng theng goá ê saⁿ, beh cháiⁿ-iūⁿ koh chhēng? Goá í-keng soé goá ê kha, cháiⁿ-iūⁿ thang koh phah lâ-sām ah?

⁴Goá só· loān-ài-ê, tui m̄ng-khang chhun-chhiú jip--lāi; Goá ê sim-t̄ng ūi-tiōh i lâi kek-tōng.

⁵Goá khí-lāi, beh kā goá só· loān-ài-ê khui-m̄ng; Goá ê n̄ng ki chhiú ê bít-iōh tih--lōh-khì, Goá ê chng-thâu-á ū bít-iōh-chiap tih tī m̄ng-chhoāⁿ pīⁿ.

⁶Goá ká goá só· loan-ài-ê khui-mng; Chóng-sī goá só· loan-ài-ê í-keng oát-tng-sin khi lah; Goá ũi-tiòh i ê oē, sin put-hū-thé; Goá chhē i iā chhē-boē-tiòh; goá kiò i, i iā bô ìn.

⁷Siāⁿ-lāi sūn-cha ê lāng tú-tiòh goá, Phah goá, siong goá; Kò· siāⁿ-chhiūⁿ ê lāng chhiúⁿ goá moa seng-khu ê kun.

⁸Iā-lō·sat-léng ê cheng cha-bó·gín-ná ah, Goá chhiat-chhiat hoan-hù lí, nā tú-tiòh goá só· loan-ài-ê, tiòh ká i kóng, Goá in-ũi ài-cheng tì-pīⁿ.

⁹Lí chit ê lú-kài-tiong tē-it súi-ê ah, Lí só· loan-ài-ê, pí pát-ê só· loan-ài-ê ũ sím-mih khah-iāⁿ? Lí só· loan-ài-ê, pí pát-ê só· loan-ài-ê ũ sím-mih khah-iāⁿ, Lí chiah án-ni chhiat-chhiat hoan-hù goán?

¹⁰Goá só· loan-ài-ê, sī pèh koh âng, Sī bân-lāng-tiong ê tē-it-ê.

¹¹I ê thâu-khak chhin-chhiūⁿ siōng-hó ê kim, I ê thâu-mng sūi--lòh-lâi, o· chhin-chhiūⁿ o·a.

¹²I ê bák-chiu chhin-chhiūⁿ khoe-piⁿ ê kap, Ēng nī soé i, an-tì háp-sek.

¹³I ê chhui-phoé chhin-chhiūⁿ phang-hoe kui-pâi, chhin-chhiūⁿ phang-chháu ê tái, I ê chhui-tún chhin-chhiūⁿ pek-háp-hoe, koh tih-lòh bít-iòh-chiap.

¹⁴I ê nng-chhiú chhin-chhiūⁿ kim-khoân siuⁿ âng-gék; I ê seng-khu chhin-chhiūⁿ tiau-khek ê chhiūⁿ-gê, chiu-ũi siuⁿ lâm-pó-chiòh.

¹⁵I ê kha-thúi chhin-chhiūⁿ siáh-chiòh, an tī hó-kim ê chō; I ê khoán-sit chhin-chhiūⁿ Lī-pa-lùn, Koh chin-súi chhin-chhiūⁿ pek-hiūⁿ-chhiū.

¹⁶I ê oē kék-kí tīⁿ, i oân-choân thang thiàⁿ; Iā-lō·sat-léng ê cheng cha-bó·gín-ná ah, Che sī goá só· loan-ài-ê, che sī goá ê pêng-iú.

6 Lí chit ê lú-kài-tiong tē-it súi-ê ah, Lí só· loan-ài-ê khi toh-lòh? Lí só· loan-ài-ê oát-tng khi toh-lòh, Hō· goán thang kap lí khi chhē i?

²Goá só· loan-ài-ê lòh--khi i ê hng, Kàu phang-hoe kui-pâi, tī hng-lāi chhiūⁿ iūⁿ-kūn, Koh bán pek-háp-hoe.

³Goá siók goá só· loan-ài-ê, goá só· loan-ài-ê iā siók goá; I tī pek-háp-hoe ê tiong-kan chhiūⁿ iūⁿ-kūn.

⁴Goá só·thiàⁿ-ê ah, lí súi chhin-chhiūⁿ Tek-sat, Siⁿ-choè hó chhin-chhiūⁿ Iā-lō·sat-léng, Ui-gī chhin-chhiūⁿ kiáh toā-kí ê kun-tūi.

⁵Lí ê bák-chiu m̄-thang khoàⁿ goá, In-ũi oē toát goá ê sim-sin; Lí ê thâu-mng chhin-chhiūⁿ soaⁿ-iūⁿ kui-tin, Tó tī Ki-liát ê soaⁿ-piⁿ.

⁶Lí ê chhui-khi chhin-chhiūⁿ kui-tin ê iūⁿ-bú, Soé chheng-khi chiūⁿ-lâi; Ták-chiah ũ siang-siⁿ kiáⁿ, Bô chit-chiah sit-lòh i ê kiáⁿ.

⁷Lí ê pín-piⁿ tī phē-lāi, Chhin-chhiūⁿ chit-tē siáh-liū.

⁸Ū lāk-cháp ê ông-hō·, poeh-cháp ê pīn-hui, Iā ũ sng-boē-liáu ê kiong-lú.

⁹Goá ê kap, goá ê sūn-choân-ê, sī tók-it ê; I sī i ê lāu-bú tók-siⁿ ê, Sī siⁿ--i-ê só· tēk-piát thiàⁿ; Chiah ê cha-bó·gín-ná khoàⁿ-kìⁿ, chiū o-ló i ũ hok-khi; Ông-hō· pīn-hui khoàⁿ-kìⁿ, iā o-ló i.

¹⁰Hit-ê ñg goā-bīn khoàⁿ--chhut-lâi, chhin-chhiūⁿ chá-khi-si ê kng, Súi chhin-chhiūⁿ gēh, chheng-kiat chhin-chhiūⁿ jít, Ui-gī chhin-chhiūⁿ kiáh toā-kí ê kun-tūi ê, Sī chī-chūi ah?

¹¹Goá lòh-khi ngī-khak ê ké-chí-hng, Beh khoàⁿ soaⁿ-kok-tiong chhiⁿ-chhui ê sit-bút, Beh khoàⁿ phū-tô hoat-í^m á-bē, Siáh-liū khui-hoe á-bē.

¹²Bô phah-sng ê si, goá ê sim an-tì goá, Tī

chun-kùi ê lāng ê chhia.

¹³Tò-lâi ah, tò-lâi ah, Su-lâh-bit ah, Tò-lâi, tò-lâi, hō· goán khoàⁿ-kìⁿ lí. Lín ũi-hô beh khoàⁿ Su-lâh-bit, Chhin-chhiūⁿ khoàⁿ Má-hap-liām ê thiàu-bú ah?

7 Jîn-kun ê cha-bó·kiáⁿ ah, lí ê kha chhēng-oē cháiⁿ-iūⁿ hiah súi; Lí ê toā-thúi íⁿ, kút chhin-chhiūⁿ tin-pó, Sī kī-khiáu ê chhiú-kang choè-chiāⁿ ê.

²Lí ê tō·châi chhin-chhiūⁿ íⁿ ê poe, Bô khiām-kheh tiau-hô ê chiú; Lí ê pak-tó· chhin-chhiūⁿ kui-tui ê béh, Chiu-úi ũ pek-háp-hoe.

³Lí ê nng ê lín, chhin-chhiūⁿ chit-tùi lók-á, Chiū-sī lók-bú siang-siⁿ--ê.

⁴Lí ê âm-kún chhin-chhiūⁿ chhiūⁿ-gê ê thah, Lí ê bák-chiu chhin-chhiūⁿ Hi-sit-pún ê tí, óa-kūn Pa-ték-lâh-pìn; Lí ê phīⁿ chhin-chhiūⁿ Lī-pa-lùn ê thah, ñg Tāi-má-sek ê.

⁵Lí ê thâu-khak tī lí ê seng-khu chhin-chhiūⁿ Ka-bit, Lí ê thâu-khak-téng sūi--lôh-lâi ê mng sī chí-sek ê; Ông ũi-tiōh i ê thâu-mng boē-lī--tit.

⁶Goá só·thiāⁿ-ê, lí cháiⁿ-iūⁿ hiah súi; Cháiⁿ-iūⁿ hiah thang hoaⁿ-hí, hō· lāng hoaⁿ-hí khoài-lók!

⁷Lí ê sin-chhâi chhin-chhiūⁿ chó-chhiū, Lí ê lín chhin-chhiūⁿ kui-pha ê ké-chí.

⁸Goá kóng, Goá beh chiūⁿ chit châng chó-chhiū, Khīⁿ i ê kī; Goān lí ê lín chhin-chhiūⁿ phû-tô kui-pha, Lí ê khì-bī chhin-chhiūⁿ pîn-kó.

⁹Lí ê chhui chhin-chhiūⁿ siōng-hó ê chiú, Ūi-tiōh goá só· loān-ài-ê lim-liáu kút-âu, Lâu jip khùn ê lāng ê chhui-tún.

¹⁰Goá siók goá só· loān-ài-ê, I iā him-bō· goá.

¹¹Goá só· loān-ài-ê ah, lâi ah, lán lâi khi soaⁿ-tiūⁿ, Lán lâi khi hiuⁿ-siā hioh-mī.

¹²Lán thâu-chá khí-lâi, khi phû-tô-hng, khoàⁿ phû-tô puh-íⁿ khui-hoe á-bô, Siáh-liú khui-lúi á-bô. Goá tī-hia beh chiong ài-chêng hō· lí.

¹³Hong-ka chhut phang-bī; Tī lán ê mng-piⁿ ũ ták-iūⁿ chin hó ê ké-chí, sin-ê kū-ê, lóng ũ; Goá só· loān-ài-ê, che lóng sī goá ká lí chek-chū ê.

8 Khó· boē tit-tiōh lí choè goá ê hiaⁿ-tī, Bat suh goá lāu-bú ê nī ê; Chiū goá nā tī goā-bīn tú-tiōh lí, chiū kap lí chim-chhui, Iā bô lāng oē khoàⁿ-khin goá.

²Goá beh ín-chhoā lí, chhoā lí jip goá lāu-bú ê ke, I beh kà-sī goá; Goá beh hō· lí lim tiau-hô ê chiú, kap siáh-liú ê chiap.

³I ê tò-chhiú oē phō· goá ê thâu-khak, I ê chiāⁿ-chhiú beh phō goá.

⁴Iā-lō·sat-léng ê cheng cha-bó·gín-ná ah, Goá chhiat-chhiat hoan-hù lín, Bôh-tit phah-chhiⁿ i, bôh-tit kiáu-jiáu goá só·thiāⁿ-ê, Theng-hâu i ka-kī cheng-goān.

⁵Hit-ê khò tī i só· loān-ài-ê, tui khòng-iá chiūⁿ-lâi-ê, Che sī chī-chui? Goá tī pîn-kó chhiū-ē kiò-chhiⁿ lí, Lí ê lāu-bú tī-hia keng-kè thòng-khó·, Tī-hia keng-kè thòng-khó· sīⁿ lí.

⁶Kiū lí chiong goá hē tī lí ê sim, chhin-chhiūⁿ ìn, hē tī lí ê chhiú-kut chhin-chhiūⁿ ìn; In-úi ài-chêng ũ toā-lát chhin-chhiūⁿ sí, Tò·khī chân-jím chhin-chhiūⁿ im-hú; Só· hoat-chhut ê jiát-iām chhin-chhiūⁿ hé-iām; Sī kék bég-liát ê iām-hé.

⁷Choē-choē chúí boē-oē biát ài-chêng, Toā chúí iā boē-oē im-bát i; Nā ũ lāng beh ēng ke-lāi choān-giáp oāⁿ ài-chêng, Tek-khak hō· lāng biáu-sī.

⁸Goán ũ chit ê soè-hàn sió-bē, iáu-bē tióng-sēng, Lāng lâi kóng chhin-chiāⁿ ê jít, Goán

tiòh kâ goán ê sió-bē cháiⁿ-iūⁿ siat-hoat?

⁹I nā sī chhiūⁿ, goán beh tī i ê téng-bīn khí gūn-thah, I nā sī m̄ng, goán beh ēng pek-hiuⁿ-chhâ pán ùi i.

¹⁰Goá sī chhiūⁿ, goá ê lín chhin-chhiūⁿ lâu-koh; Hit-sī goá tī i ê bák-chiu-tiong chhin-chhiūⁿ tit-tiòh pēng-an ê lāng.

¹¹Só·lô-būn tī Pa-lék-hap-būn ū chit khu phû-tô-hng; I chiong chit ê phû-tô-hng cho·hō· kò·siú ê lāng; In ták-lāng ūi-tiòh in ê ké-chí tiòh lāp chit-chheng gūn.

¹²Goá ê phû-tô-hng, goá ka-kī-ê, sī tī goá ê bīn-chēng; Só·lô-būn ah, hit chit-chheng kui hō· lí, Nng-pah kui hō· kò·siú ké-chí ê lāng.

¹³Lí tiām tī hng-tiong ê, tâng-phoāⁿ lóng ài thiaⁿ lí ê siaⁿ, Kiū lí hō· goá iā tit-tiòh thiaⁿ-kìⁿ.

¹⁴Goá só· loān-ài-ê ah, lí tiòh kín-kín lâi, Chhin-chhiūⁿ lēng-iōng á-sī lók-á tī phang-chháu ê soaⁿ.